

ქარელის მუნიციპალიტეტში სეტყვის სანინააღმდეგო ბადეების სანარმო ამუშავდა

02 მაისი 2023

გარემოს დაცვისა და სოფლის მეურნეობის მინისტრი ოთარ შამუგია, შიდა ქართლის სახელმწიფო რწმუნებულ მიხეილ შაყულაშვილთან, ადგილობრივი ხელისუფლებისა და ეკონომიკის სამინისტროს წარმომადგენლებთან ერთად, ახალი სანარმო - შპს „აგრობადის“ გახსნის ღონისძიებას დაესწრო.

სანარმო ქარელის რაიონის სოფელ რუისში მდებარეობს და სეტყვის სანინააღმდეგო ბადეებს აწარმოებს. სანარმოში 37 ადგილობრივია დასაქმებული. „ახალი სანარმო სახელმწიფოს და USAID-ის სოფლის მეურნეობის პროგრამის მხარდაჭერით შეიქმნა. ვფიქრობ, სეტყვისგან დამცავი ბადეების ადგილობრივი წარმოება მნიშვნელოვნად შეუწყობს ხელს ფერმერების ხელმისაწვდომობას აღნიშნულ სისტემებზე. ჩვენი მიზანია, ფერმერები მაქსიმალურად იყენენ დაცულები სეტყვით გამოწვეული ზარალისგან, რისთვისაც ვეხმარებით შესაბამისი სისტემების შესყიდვებში როგორც შეღავათიანი აგროკრედიტის პროექტის, ასევე „დანერგე მომავლის“ პროექტის ფარგლებში. ამავდროულად, უკვე 2014 წლიდან ვახორციელებთ აგროდაზღვევის პროგრამას და მოვუწოდებთ ფერმერებს, ისარგებლონ სახელმწიფო პროგრამით. ჩვენ ყოველწლიურად ვაახლებთ პროგრამას საჭიროებების გათვალისწინებით. წელსაც გვაქვს სიახლე - აგროდაზღვევის პროგრამის ფარგლებში მევენახე ფერმერები ისარგებლებენ უკვე 70%-იანი თანადაფინანსებით, რაც კიდევ უფრო ხელმისაწვდომს გახდის პროგრამას. აქვე აღვნიშნავ, რომ მისასაღმებელია ყველა წამოწყება, ახალი სანარმო, რომელიც ქმნის პროდუქციას, თავისი წვლილი შეაქვს ეკონომიკაში და ასაქმებს ჩვენს მოსახლეობას“, - განაცხადა ოთარ შამუგიამ.

„შიდა ქართლის რეგიონში სოფლის მეურნეობა ერთ-ერთი მნიშვნელოვანი მიმართულებაა. ფერმერთათვის მოსავლის მოყვანის უსაფრთხოების უზრუნველსაყოფად კი მნიშვნელოვანია შესაბამისი დამცავი ინფრასტრუქტურის შექმნა. ერთ-ერთი ასეთია სეტყვის სანინააღმდეგო ბადეები, რომლის სანარმოც USAID-ისა და სახელმწიფო თანადაფინანსების საფუძველზე აშენდა და მისი წარმოება ქარელის მუნიციპალიტეტში დაიწყო. ფერმერები იმპორტირებულთან შედარებით შეღავათიან ფასებში შეძლებენ ბადეების შეძენას და სეტყვისაგან ნათესების დაცვას.

მნიშვნელოვანია ისიც, რომ სანარმოში დასაქმდება 30-ზე მეტი ადამიანი. მსგავს პროექტებს სახელმწიფოს მხრიდან ყოველთვის ექნება მხარდაჭერა როგორც ცენტრალურ, ასევე ადგილობრივ დონეზე.“ - აღნიშნა მიხეილ შაყულაშვილმა.

საქართველოში USAID მისიის დირექტორ ჯონ პენელის განცხადებით, კიდევ ერთი ახალი სანარმოს გახსნა არის საქართველოს მთავრობასთან თანამშრომლობის საუკეთესო მაგალითი.

„USAID ამაყობს გარემოს დაცვისა და სოფლის მეურნეობის სამინისტროსთან თანამშრომლობით. ეს არის ქვეყანაში პირველი სანარმო, რომელიც აწარმოებს სეტყვის სანინააღმდეგო ბადეებს, რაც ასე მნიშვნელოვანია სოფლის მეურნეობის დარგის განვითარებისთვის. სანარმო წარმოებული პროდუქციით დაეხმარება ფერმერებს მოსალოდნელი ზარალის თავიდან აცილებაში და მნიშვნელოვან წვლილს შეიტანს ქვეყნის ეკონომიკის გაძლიერების საქმეში“, - განაცხადა ჯონ პენელიმ.

შპს „აგრობადის“, ყოველწლიურად, 1 მილიონ მ² სეტყვის სანინააღმდეგო ბადის და 600,000 ბადე-ჩანთის დამზადებას გეგმავს. ბადე-ჩანთები ბოსტნეულის შეფუთვისა და ტრანსპორტირებისთვის გამოიყენება. ქართული წარმოების პროდუქციის შექმნას ფერმერები იმპორტირებულზე შეღავათიან ფასად შეძლებენ.